

trum, crura cœdematofa, arthritis, que & rubefacientia & vesicantia excludit. Minus etiam profunt, ubi copia vel influentis humoris maior est, vel extrahendi eiusdem impropotionata, cuius exemplum præbet hydrops. Non educunt quidem parum vesicantia respectu ipsius partis & ichoris, sensim & sensim exudando, parum tamen est illud respectu molis totius hydropticæ aquæ, quæ ad plures membranas extenditur, & in cœitate abdominis hæret, quorsum vis extrahens seu liquans minus penetrare potest.

Ab adhibitis attrahentibus demulcentia poros proficiunt. Exemplo sit paralysis & gibbus. In paralytico adolescenti post balneum formicarum sedulo repetitum cataplasma ex radice symphyti recentis faciebat officium.

LIBRI I. SECT. II. CAPVT VII.

De

Cathæreticis, causticis & corrosivis.

Plura etiam quoad hæc occurunt nomina, quando v. g. dicuntur generaliter 1. Cathæretica, exedentia, corroden-
tia. 2. ἐχαρτικὰ, seu escharam & crusticam inducentia.
3. ναυσμὰ seu πνεωτικὰ. 4. σπιτιὰ, putrefacientia, quæ gradibus totidem inter se differunt, ad exprimendos, velut gra-
duis ignis potentialis, siquidem cauterii potentialis famam
tuentur.

Possunt ergo generali & vniuersali quasi nomine ναυσι-
κῶν, vel absumentium quoque comprehendendi omnia, quia magis
& minus non variant speciem speciatim; vero ad duplicem pel-
lis statum referri, quatenus vel sana & integræ cuti, vel divisa
applicantur.

Hæc pro speciali magis vsu cuiuscunque partis adhiben-
tur, illa pro communi magis. Et quidem quæ nudata per ul-
ceræ & diuisa, vel alias male habente cute, crispata in verru-
cas

cas & alias excrescentias præternaturales, absumendi fine adhibentur, magis audiunt OATHÆRETICA. Et possunt hæc duplices generis statui i. improprie dicta, mundantia, extortentia mitiora, & primi gradus, quæ respiciunt magis excrescentias vitiosas in fieri, vel lenius desiccando, vel thoracando & a putrilagine præseruando, iterum mansionibus suis distincta. Faciunt enim id terrea & alcalina, sal obtusum habentia, vel cum alia atque qualitate sigillata, in primis salina, salium enim est exedere & corrodere, ut amaricantia &c. vel spirituosa, ut vi, acidula aliaque.

Conueniunt hæc viceribus simplicibus magis, laxioribus tamen, humidioribus & folidioribus putridis, imo quibusvis quasi cicatricem renuentibus, ob affluxum maiorem & partis tonum ablatum.

2. Exedentia, quæ detergendo absumunt, virtute potissimum salina magis explicita conspicua, vel sibi relictæ, vel aliis particulis immersa, quo & sulphurea quedam, oleum caryophyllorum, euphorbium, spectant. Hæc in fistulosis viceribus & excrescentiis variis, hypersarcos, seu carne luxuriante, quam citra partium sanarum corruptelam tabefaciunt, fungis, verrucis, polypo, carunculis penis, clavis, præsunt. Sic huc pertinet puluis foliorum aristolochiae longæ, vulneribus & viceribus sanandis aptissimus; sic heliotropium pro expertissimo polypi experimento commendat Poterius in Obseru. Sic in clavis pedum cera viridis emolliendi & exedendi virtute commoda est. Sic vitriolo albo soluto vlera etiam venerea commode eluuntur & sanantur. Meminimus vlera incurabilia fere circa genu solo cinere tabaci prius hausti sanata.

Affinia sunt, quoad priorēm in primis gradum, hæc ipsa epuloticis, ea tamen differentia, quod epulotica medeantur sciendo magis, sine doloris sensu, naugentia vero respectu non sine acrimonie & sensu doloris exedant; hinc factum est, vt quidam, teste Galeno ipso, per errorem medicamentum carnem minuens & pro detergente & pro epulotico acceperint. In illo eminet terrea siccans vis, ἀποστολος, in hisce salina, discriminat

sape lotione concedente. Sic & vstum sibi relictum exedens est; lotum vero magis epuloticum.

Inter hæc sulphurca calidiora & terrea partium frigidarum tono magis propria, v. g. (1) neruorum, vnde in puncturis neruorum utilia. Punctura scilicet neruorum, partium frigidorum, desiderant calida & secca, tonum partis conseruantia, affluxum prohibentia. Imo in genere calidiora, vt oleum cerebinthinae, &c, & similia archeum roborantia. Laborabat quidam futor pollicis tumore & dolore insigni, ob puncturam cum framea factam, vulnerato neruo; præter alia puluis laudatus faciebat abunde officium. Virgo puncta in volam, circa basin medii digiti, ab oleo terebinthinae iuncto leuamen sentiebat. Vid. Ioh. a Meekren. obseru. chirurg. c. 62. p. 430.

(2.) Ossium quoque ipsorum, quorum cariei sunt aptissima specifica, quo nomine duo memorantur remedia.

Salina vero ulcerum deterfua & defensua, siue mundificanda sint a putrilagine, & sorditie, siue promouenda hoc ipso consolatio, vti alumem vstum, vitriolum album, &c.

Alteram classem quod concernit, ESCHAROTICA, seu exulcentia, caustica & septica, quantum quidem pro reliquis in praxi sunt frequentata, vstim habent excellentissimum triplicem:

1. Corrosiva fonticulis excitandis insertiunt; siquidem igne hoc potentiali eosdem excitare lubido sit, vti sane id vfitatissimum & optimum omnium est, definito scilicet loco applicata, vt vlcus excitetur, absimpta particula partis, cui adhibentur, apertum hinc seruandum.

2. Corrosiva absimunt & separant; absimunt tubercula, verrucas, clavos, callos, & partes alias inutiles, quas extirpare raditus volumus. Exemplo sint nxi materni protuberantes & incrementum capiendo deformitatem adferentes; Hi sane nec lenioribus sepe cedunt, sanguini menstruo, (ob vim nitrosam,) lacte esula illito, nec variolarum accedentium exulcerationi coniunctæ, quin seminalem quasi radicem exerant denuo subinde. Huic vero extirpanda & mortificanda faciunt corrosiva, characterem omnem abolentia pristinum, quod in praxi non

non una vice exercuimus. Separant & auferunt partes putridas, seu sphacelo correptas & ~~vires~~ passas, vti butyrum antimoni in separandis partibus sphacelatis & carbunculis celebratur; seu defuetudine naturæ alia in ulceratis etiam partibus fungosis & cancerosis extirpanda se offerant, vt de pilis non dicamus, de quibus seorsim sub psilothris dicemus, quandoquidem ad frugem alias reduci nequeant.

3. *Corrosiva rumpunt abscessus*, vbi ferrum timet æger, vel alia subest ratio, quare hoc ~~pro~~ vti velimus. Fœmina laborans tumore mammarum, subtus latitante pure, cura ferrum renueret, corrosio apposito, licet non tanta cito, satis tamen tuto sentiebat ab apertione levamen. Tumorem testis patiens vir ad suppurationem perductum, cum lancetta aperiri dubitaret, eundem, corrosio apposito curabatur.

Tacemus viis secundarios prosistendis hæmorrhagiis, in quibus caute agendum est. Licet enim ob coniunctas partes austeras adstrictorias crispen vala; facile tamen ob coniunctas particulas acres salinas irritant eadem, & hinc tantum, imo plus nocent, quantum prosunt; nisi nempe partes terrenæ mitiores præpolleant, salinæ vero sint obtuse, & caute iis utamur ut

 Oli

Cum ergo quoad agendi modum in hisce omnibus salina spicula, seu acida, seu alcalia magis acuta sint & cuspidata, hinc non tam superficiem lambunt & in cuticula auferenda subsistunt, vt vesicatoria & leuiora alia; sed deuorant quai, liquant, solvuntque & destruunt ipsam pellem, & si illuc pertingant subiectas quoque carnes, vnde ipsa fatisfit, tenerascit, rumpitur; humores vero domestici nutribiles & vitales vehiculum ipsis præbentes genium suum perdunt, vnde ~~expulso~~ quædam inducitur parti, & eius signum eschara, sulphure vitali & mixti destructio.

Aetuationem hanc calor ipse iuuat, quatenus rarioribus poris se insinuat vis salina promptius, & mobiles humores sic magis afflunt. Exemplum huius rei mechanicum videmus, si coriis assundatur aliquid de aqua fortii, vel spiritu acido alio fortiori; tunc enim serius ocyus, multo magis vero charta friabilis

bilis redditur, menstruo huic obsecundat, & finditur in plures partes. Adeoque in inanima quoque corpora activam vim exerunt, quod de vesicatoriis non æque valet.

Tanta nempe est hæc vis, ut etiam citra dolorem agant, licet non æque citra aliqualem sensum, nunquam enim vidimus conqueri ergos de parili, tantum abest de maiori dolore, quam vel a vesicatoriis experiri datur, vnde hoc sensu cauterium potentiale indolens dari medicis in confessio est. Valet id de lapide corrosiuo, de butyro antimonii & aliis.

Exempla si spectemus, diximus vel alcalia esse, vel acida; inter alcalia principem locum tenet lapis hinc corrosiuus dictus, quod nempe pro corrosiuo frequentissime & cum successu usurpetur. Sin queratur, quid sit lapis corrosiuus, quoad materiale crassius, seu magis obuium, nil aliud est, quam sal ex lixiuio saponiorum in tartagine euaporato concretum, seu conflatum, vis unita enim fortior est dispersa, vnde lixiuium illud acre quidem est & sulphri antimonato extrahendo par, non tamen tam corrosiuum; quoad ingredientia vero specialia, nil aliud est, quam sal alcali commune ex cineribus lignorum, quercus, fagi, fraxini, betulæ confectum, & calcis viuæ accessione acuatum, quæ roborat & acuminat spicula magis.

Referri huc etiam, vel potius inter septica, possunt & sibi tamen relicta non in usum vocanda ob deleteriam vim, mitigata vero & correcta locum habent, tum in psilothis, tum etiam, maiori fixitate inducta, in cancrosis. Sic mitissimus respectu est magnes arsenicalis, quo tum refracto utimur in emplastris magneticis dictis, tutissime cum aliis mixto, tum per se quoque in carbunculis pestiferalibus, quo de vid. Angel. Sala, Barbeau, Dimerbr. & aliis.

Acida sunt vel liquida, vel concreta; liquida sunt vitis, Θ tus Θ , Θ li, Θ li, Θ lis & butyrum antimonii, neque enim tam butyri forma, quam liquoris, in quem facile resoluitur, adhibetur. Concretum est φ tus, quippe qui nihil aliud est, quam aqua fortis sicca, & crystalli lunæ.

Egent vero cautione corrosiva, ne summa sua activitate
laedant

DE CATHARTICIS, CAVSTICIS ET CORROSIVIS.
Ixdant vel totum corpus, ratione dolorum, febrium, conuulsio-
num, vel partem ipsam, ac vicinas circumstantes.

Hinc 1. *ubique minor est morbus, maiori remedio non opus est.*
Exemplo sint verrucæ, quas qui vel imposito putaminis nucis
excauata dorso, & super exceptam verrucam accenso sulphure
absumere velit, vel ∇ extirpare, finem quidem consequitur, sed
partim dolor, partim deformitas subsequens maiora videntur
ipso priori morbo.

2. *In quibus vel corporibus, vel atatibus & partibus noxa inferre*
facilius potest, corrosiva minus conueniunt. Non in obefis, quod
pinguis in putrilaginem soluere non æque conducat, & facile
inde gangræna oboriri potest. Non in macrioribus, quibus ad-
dere potius, quam absumere par est humores vitales serosos. Si
tamen ob salinum characterem maciem & phthisin minitetur,
serum corruptum & nutritioni minus aptum, etiam cum suc-
cessu in non adeo emaciatis suasimis fonticuli gestationem.,
Non tenellis æque, nisi quid vrgeat, puerulis; non partibus te-
nillis, vnde maius periculum timendum, laesio facillima, adhibi-
ta tamen & in his differentia,

3. *Corrosiva non nisi diffinito termino & limitata freno applican-*
da; ne pars sincera trahatur & noxam sentiat, seu in absumen-
do, seu in exulcerando.

4. *Corrosiva conueniunt magis morbis, qui moram patiuntur,*
tum absolute, non tam in febribus v.g. fonticuli prosunt, quam
morbis serosis colluviae debitis aliis; tum respectiue, vt in
carbunculis, siquidem eius sint naturæ, vt excidere & separari
possint.

5. *Vbicunque non tam extirpare possunt radicem peregrinam*
corrosiva, quam augere, absint. Exemplo sint fungi, cancrifor-
mes in primis & grandiores; vbi quo magis erodas, eo magis
laeseris; imo hinc acrimonia domestica magis propagatur.,
vt ex minori in amplius spatum diffundatur, concentran-
do potius malo. Facit huc delicata & humida partis natura
sepe. v. g. in vitiis intestini recti. Vnde & *Poterius loco citato*
frustranea & noxia corrosiva in polypo proclamat, quod nisi
ubique

N 2

cautis-

cautissime procedas, omnino verum est. Imo liceat & hic asserere, saepe medicamentum minus mitiusque esse efficacius dicas. Præstant saepe extergentia solum, præ corrosiu, ut saepe etiam lac esula in verrucis, (partibus mollioribus non callifis,) quam v. In primis id etiam de cancro valet exulcerato, ubi sedativa saturantia præstant corrosiu.

Rationem quæfitis respondendum est, id fieri partim intuitu humorum, seu partium contentarum, partim partium continentium, glandulosarum cumprimis. De humoribus certum est, illos in cancro esse accusandos ferosos, acri, corrosiu, caustico charactere iamdum imbutos, unde feruore & acrimonia sua exundant magis, ulceratione & hiatu facto, porta quippe data maiori. Iam, vilegum methodi medendi, contraria contrariis (acria, corrosua, saturantibus, edulcantibus) curanda, tale vero additum tali reddit illud magis tale, unde mirum non est, accessione corrosuorum cancrum exasperari magis, humoresque ferocire. Partes vero ipsæ teneræ & delicatae sunt, fontes seu diuerticula lymphæ, (nascitur enim cancer locis sere solum & vnicce glandosioribus, labiis, mammis,) inde destruuntur magis, quo facto itus & reditus interturbatur, fitq; collectio & putrilago maior. Ut taceam ardorem inde enatum, ab applicatione arsenicalium non correctorum & domitorum, communicari cum toto corpore, & anxietates aliae mala plura vertim citare.

Quin & id obseratum est a nobis, domito licet apparenter hoc pacto cancro, partibus vi corrosuorum destruetis, & fontibus lymphæ velut exsiccati, malum tamen non æque cessasse, cuius rei singulare dabimus exemplum. Fœmina hic loci non ignobilis, acu olim improuide in mammam dextram puncta aliquot annis duritiem sentit ibidem, donec ætate magis inclinante in cancrum erumperet, concurrentibus, vt fit, empiricorum & chirurgorum erroribus. Inde vero licet mamma absunta esset penitus, & sternum complanatum ea parte videretur, rubore relieto & ichorescentia; inde tamen intumescere cœpit totum superius clima eiusdem lateris, collum tumore affectum totum versus eandem partem reclinabat caput; caput ipsum totum nudo-

nodosum videbatur, dorsum item a nucha, toto dextro illo con-
finio, infinitas glandulas tactui offerebat, velut totidem collicu-
los. In primis vero brachium & manus tota dextra mirum quan-
tum in tumorem elata videbatur, ad eundem penitus modum,
ac *Hildanus* depingit tumefactos digitos cum brachio, *Cent. 4.*
obser. 69. p. 341 Ipseque oculus dexter a palpebris itidem summe
intumefactis tegebatur; punctione vel sacrificeatione facta, nil
nisi lympha stillabat, donec miseram vitam, quam aliquot men-
sibus ita traxerat, mors expetita exueret.

Ex qua historia pathologia quoque cancri obiter quasi,
eximie tamen, enitescit, vnaque roborantur dogmata hodie re-
cepta: (1.) infinitas dari glandulas subcutaneas; (2.) dextra
dextris consentire magis; (3.) lympham esse humorem vniuer-
salem, non minus ac sanguis, vasaque hinc vniuersalia quoque
esse lymphatica. (4.) Cancrum vero in vndis microcosmi &
glandulis consequenter stagnare & residere. Simile exemplum
in *fiemina alia nobili contigit, nostra memoria, vbi tamen ob vi-*
res senio fractas mitiora paulo deprehensa sunt dicta.

6. *Nisi scaturiginem abstuleris, etiam topicis corrosivis non*
aque tolluntur effecta morbifica, quod itidem exemplo cancri & alio-
rum patet.

Conclusimus haec mentione SEPTICORVM, ea scilicet non
differre ab hisce, quorum tamen quedam ab autoribus allata in
vsi pratico non sunt recepta, vt eruca pini.

Imo & PSILOTHRA eadem sunt, cum glabram hinc & velut
callosam relinquant partem, de quibus tamen seorsim caput
constituimus, non tam ratione materiar, quæ eadem est, quam
vsi.

Quoad materiam, vnicum sufficit vnguentum de calce viua,
vel simplex, mixtis calce viua & auripigmento, beneficio olei
cuiuspiam, vel lixiuui; vel compositum, quale est *Mysichti s. 35.*
pag. 493. Sunt enim reliqua saltem accessoria secundaria, Δ citri-
num, \textcircled{O} , rad. irid. Florentin.

Vsus generalis est cosmeticus, seu voluptuarius quod de

102 Turcarum rusinate valet; vel necessarius, si navi in morem alicubi succrescant magis pili.

Vt vero contraria contrariorum sunt remedia, ita & ducimur exasperantium corrosivorum occasione ad LÆVIGANTIA. Lævigans, leniens alias & applanans, λευκής Græcis dicitur, quod asperas & summa facie inæquales partes æquabiliter implet, ac planas lœvesque reddit.

Vsum nempe habent eximum, cum partes præternaturaliter exasperatas lenire & æquabiles reddere placet, v.g. linguam & labia in fissuris, vt expeditius illa loquatur & deglutiat; oculum, vt promptius faciliusque moueatur; asperam arteriam, in raucedine, vt leniorem iucundioresque vocem edat; cutim in foueis variolarum; intestina in dysenteria erosa, & aliis mille casibus, vbi superficies complananda est.

Conueniunt igitur maxime cum lubricantibus, vnde & sunt, qui eadem confundant. Vtraque quidem sunt humida & glutinosa, adeoque ~~epicris~~ & virute non differunt; variant tamen ratione obiecti, puatenus lævigantia superficiem æquabilem reddunt, lubricantia vero una materiam educendam respiciunt, vnde in induratis fecibus locum præcipue habent.

Vt vero salia exasperant omnia, ita læviant. (1.) proprie loquendo, iuxta Galenum lib. de arte medecinali cap. 95. humida & glutinosa, non tamen mordacia vna. Humida, quidem quia emendare asperitatem a siccitate excitatam debent; glutinosum vero, vt diutius adhaereat, partemque implete, læviet, æquabilem reddat, non mordax tamen, quoniam hoc eliquat & absunit humores, ac proinde exsiccat, partesque exasperat. Verbo, lævigant gummosa, oleosa temperata, dulcia, vt oleum amygdalorum dulcium, iuscula auenacea, in febris laudatissima profaucium angiportu lævigando, & in dysenteria; mucilagines seminis psyllii, cydoniorum, althææ, alica hordeacea. succus glycyrrizæ, tragacantha, gummi arabicum, & pectoralia temperata alia, quæ parietes pororum & glandularum complanant. Sic ad variolarum foueas in vsu est quibusdam faciem brodio carnis vitulinæ fouere & mulcere, quod, quando perfecte maturuere, locum habet.

Sunt

Sunt tamen & Ixuigantia (2.) improprie paulo dicta, ut
salina ipsa & leniter mordacia huc faciunt, quatenus pituitam,
viscidam detergunt, v. g. in raucedine laudatus est sirupus de
eryfimo Lobelii, quatenus obfidens asperam arteriam mucilago
pituitosa hoc modo aufertur.

Spe&tant huc itidem (3.) exiccantia, siccibi humiditas, vel
ichor superfluus excedens inæqualitatem pariat; cuius rei exem-
plum præbent non tantum vlcera alia, verum etiam variola-
rum ipsarum, quem in finem instar omnium esse potest puluis
probatus *Mysichti* ad exiccatum, consolidandum & sanan-
dum variolas. Respiciunt hæc saltim causam antecedentem
inæqualitatis, qua ablata illa præcauetur.

LIBRI I. SECTIO II. CAP VT IIX.

De

Traumaticis.

Late patens & vsu commendata est materia traumatica.
Dicimus TRAVMATIC A in genere, vt latitudi-
nem illam exprimamus & complectamur omnia sub hoc
genere militantia, sumendo vocem τραυματικός latius ut νεύστην
quidem vulnus, adæquate tamen omne vnitatis solita vitium
sub se contineat. Idque & necessarium & conuenientius
esse patet, quod traumatica merito non ad sola externa sint
restringenda, verum & ad interna, quod hoc pacto omnia illa-
dicamus, quæ affectis hoc modo partibus debentur, quo sensu
initio huius capit is de traumaticis generalibus internis & ex-
ternis agitur, fine, & sequentibus de specialibus, externis puta
solum.

Vt itaque vulneriorum generale nosmen & vsus est, ita
locum habent, vbiunque integritas partium, in vnitate quo-
cunque modo solutarum, restituenda est; siue vulnera inficta,
casim & punctim, interna & externa, in primis grauiora, curan-
da obueniant; siue contusæ partes liuorem, inflammationem,
gangranam minitentur, siue vlcera occurrant varii generis, sim-
plicia,